

Lighting Parade - Mahestuoso -

ORANJESTAD(AAN)E

opinionnan tabata varios encunanto grandura di Lighting Parade, esta cu si e tabata mas grandi, mas largo, mas bunita, mans anima etc.

un cos si tur hende tabata di acuerdo cune tabata cu esaki tabata un di e lighting parade- nan mas anima cu nan a presencia desde cu Aruba Tivoli Club a cuminsa cu e actividad aki dia 14 di februari 1981. Publico local y bishitantenan tabata aplaudi cada grupo cu a pasa desde momento cu Youth Brass a habri te final di e parada cu Climax cu un biaha mas a logra centenares di hende nan tras, a cera cu e last lap.

Hopi grandi y comenta tabata e grupo di "Angels of all times" di Debbie y Liesje Merryweather cu su 450 participante y masha bunita na blanco cu nan alanan.

Carosanan di figuranan di carnaval di Aruba Tivoli Club y caribe, tambe roadpiecenan y gruponan tabata resalta den fantasia color y creatividad e anochi aki.

Entre otro e carosa musical cu su steelband arpa, acordeon, di Best Costume di eleccion juvenil, carosa di Joyita Alexa Ho Kan you, Grupo Genius World di Genie cu su carosa cu lampara di Aladin y tapijt volador, e fantasia di terrestrenan cu nan roadpiecenan di platiyo bolador, fantasia di buelo, Zappy y su roadpiece sigui pa hendenan primitivo, e mexicanonan y extraterrestrenan, arabenan riba pia, e bunita roadpiece di Francis Arends, Sra. Carnaval, e muts di Volendam como roadpiece, e sombre di Dande cu tabata subi baha y bira di links pa rechts buscando donacion, cu tabata algo masha original tipico y precioso.

Enid Croes Marugg (reina di carnaval 1963) cu te ainda a briya como un reina riba su roadpiece di arte cu paisa- henan di nos isla y cu su pintornan, roadpiece cu nos figuranan principal politico y Air Aruba, tur a wordo masha aplaudi.

E grupo di SV Caribe cu su indiannan precioso, principalmente esnan blauw cu plata cu ta imagen di Caribe, y e indiannan corra pa cual Caribe ta conoci den paradanan di Carnaval, a pone nan toque grandi den e parada aki.

Jo Ann mAduro cu su pie- sanan di su show pa reina hubenil y hunto cu su grupo no a keda afo.

For di 9.30 or en adelante publico riba henter Vondellaan y Lloyd g. Smith Boulevard te Coastal a disfruta di un parada cu por ser considera como parada record di Aruba Lighting Parade di Aruba Tivoli Club pa locual ta participante y cu na un lugar so tabata tin variacion di 1 ora 52 te cu un ora 55 minuut cu segun promedio por tabata un duracion di 1 ora y 50 minuut.

TEXAS
FURNITURE STORE N.V.

**RESTO RESTO RESTO
DI TAPIJT**

**NA PRIJSNAN SUMAMENTE REBAHA
PA CARNAVAL**

Tel:
San Nic. 845022

HAYA TUR COS PAGANDO POCO-POCO

Tel:
O'Stad 821082



Parada bon anima na Noord

ORANJESTAD(AAN):--

Apesar cu tabata tin menos participante cu aña pasa, pero reparti den un total di 14 grupo, Parada di Noord a resulta den un preciosidad diasabra, habriendo cu e acostumbro grupito di prins y panchonan, sigui mes ora pa "cheerleadernan di Club di movimiento" acompaña pa Frahoma, cu na mes momento a acompaña "fantasia di Pisca" dirigi pa Titi Tromp.

Masha bunita presenta tabata e "Fantasia di Barbuleta y Tor" di Aurora Oduber y Marianita Figaroa cu tabata tin Eddy Tec pa musica y cu a wordo sigui pa e tradicional presentacion di "Chikitin Bin Bin" cu e aña aki a bin cu su "Fiesta di mangel" bao direccion di Carmen Frans y Sylvia Luidens.

E "Wega di blokki" di Leta Frans tambe tabata masha original y un maraviya tabata e "Festival di Botter" mirando con botter ta crece na mata riba un di e roadpiecenan, ilustrando e campaña di tene nos isla limpi.

Anchi Maduro y su grupo sigur a logra imponi esaki bon den mente di hopi.

Marushka Vanegas a presenta cu e grupo mas grandi di Noord, "Fiesta di Mascara" di Jacinta Kleuter-school. E ultimo dos gruponan aki tabata tin respectivamente Fly Fox Disco y Ken Disco pa musica.

Original Band cu mester a toca pa Chikitin Bin Bin y Fantasia di Blokki a haya problema cu nan sistema di sonido y a sali na Comercial Center di Bubali.

Un preciosidad tambe tabata "Fantasia di nos flora" cu su roadpiecenan di cadushi y parke Arikok. Mester menciona aki cu banda musical



Zodiac a zona masha fuerte y bon y a duna un presentacion mahestuoso di e roadmarch "Wave it" di Mighty Talent. E carosa "Cuida nos naturaleza" tambe tabata hopi bunita den e parada aki.

No por keda sin menciona e presentacion di Noord stars Steelband cu un biaha mas a wordo aplaudi masha hopi pa publico. AJMG dirigi pa Jeanette de Palm a presenta e "Fantasia di Sombre" cu musical di TIGO cu a resona e "Baricade" di Rusty y Climax masha bon mes cu mes ora nan tras Koyari presentando "Nos orguyo Sidney Ponson" cu ta un di e gruponan cu a duna honor na un di nos idolonan deportivo, algo cu hopi aña a wordo spera den un parada di carnaval riba nos isla.

Na e manera cu Benny Wolf y su grupo a presenta esaki, tabata un homenaje grandi na nos pelotero lanzador di Orioles y un promocion enorme pa Orioles riba nos

isla cu nan carosa special cu hasta cabez di Jan Poets riba dje como promotor di publicidad di Sidney y cu tambe a haya su honor merece.

Di e monedanan sin embargo a spera di mira mas di e monedanan di antes, pero locual a ser presenta den "Fantasia di placanan di antes" a resulta toch den lanta conversacion riba loke a bay perdi na Aruba.

E sonido di Daniel Disco aki tabata hopi bon, speakernan riba un trailer habri y cu bon sonido pa parada tanto dilanti como patras di e trailer.

Un celebracion di verdad taoata di "Calabas ta celebra prome lustro" cu su roadpiecenan precioso y

principalmente esun di e bolo tan apetitoso.

Quasi a resona hopi pa e grupo aki.

Tanto riba caminda di Boegoeroei-Bubali como riba caminda di Noord pa cruzada pabao di stadion y riba ruta pa Centro di Bario Noord, e publico a biba cu y aplaudi e gruponan, bailanda alavez riba e musica cu tabata tin pa tur grupo por a goza na abundancia.

Noord a celebra en grandi, pero kico por spera otro aña cu nan di 7 lustro no ta conoci. Sigur ta cu otro aña lo mira un di e paradanan mas bunita y mas grandi di Noord y e riba esey ta wordo spera awor.

Abo a pasa den un berdadero...

MALTRIP?

Mande via: maltrip@email.com